

# Sakima so sante



Ursula Nafula



Peris Wachuka



Shameem Oozeerally & MIE French Students



3



kreol morisien `mfe`



Sakima ti pe viv avek so paran ek so ti ser, ki ti ena kat-r-an. Zot ti pe viv lor terin enn misie ris. Zot lakaz lapay ti trouv dan bout enn ranze pie.



Kan Sakima ti ena trwa-z-an, li ti tom malad ek li ti vinn aveg. Sakima ti enn garson avek boukou talan.



Sakima ti pe fer boukou kiksoz ki bann lezot garson si-z-an pa ti pe fer. Par exanp, li ti kapav diskrit bann kestion inportan avek bann manb pli aze dan so vilaz.



Paran Sakima ti pe travay kot sa misie ris la. Zot ti pe sorti lakaz boner gramatin ek zot ti pe retourne tar aswar. Sakima ti per es tousel kot zot avek so ti ser.



Sakima ti bien kontan sante. Enn zour, so mama  
finn demann li « Kot to aprann sant sa bann sante-la  
Sakima ? »



Sakima reponn : « Zot zis vini natirelman mama. Mo tann zot dan mo latet, apre mo sante »



Sakima ti kontan sante pou so ti ser, sirtou kan li ti pe gagn fin. So ser ti pe ekout li sant so sante prefere. Li ti pe balanse ler li ti pe ekout sante apezan la.





« To kapav sant li ankor ek ankor, Sakima ? » so ser ti pe sipliy li. Sakima ti pe aksepté ek ti pe sant li ankor ek ankor.



Enn aswar, kan so paran finn retourn lakaz, zot ti bien trankil. Sakima ti kone ena enn problem.



« Ki'nn arrive mama ek papa » Sakima finn demande. Sakima apran ki garson misie ris la finn disparet. Misie-la ti bien tris ek li ti pe santi li bien tousel.



« Mo kapav sante pou li. Kapav li pou re vinn ere »  
Sakima finn dir so paran. Me so paran finn rezet  
lide-la. « Li bien ris. To zis enn garson aveg. To  
vremem krwar ki to sante pou ed li ? »



Toutfwa, Sakima pa finn abandone. So ser ti soutenir li. Li ti pe dir « Bann sante Sakima kalme mwa kan mo fin. Zot pou kalme misie ris la si. »



Landemin, demann so ser pou amenn li kot misie ris  
la.



Li finn debout anba enn gran lafnet ek finn  
koumans sant so sante prefere. Dousman-  
dousman, latet misie ris la finn aparet atraver gran  
lafnet la.



Bann zouvriye finn aret seki zot ti pe fer. Zot ti pe ekout Sakima so zoli sante. Me enn misie dir : « Personn pa finn kapav konsol patron-la. Eski sa garson aveg la panse ki li pou kapav konsol li ? »





Sakima finn terminn so sante ek ti pe pare pou ale.  
Me dimounn ris la finn sorti vit-vit ek finn dir : «  
Silteple, sant ankor ».



Sa moman presi la, de misie finn vini. Zot ti pe sarye kiksoz lor enn sivier. Zot ti finn trouv garson misieris la. Bann-la ti bat li ek ti abandonn li bor lari.



Misie ris la finn telman kontan pou retrouv so garson. Li finn rekonpans Sakima pou konsolasion ki li finn aport li. Li'nn amenn toulede garson lopital, pou ki Sakima kapav regagn lalimier so lizie.



# Global Storybooks

[globalstorybooks.net](http://globalstorybooks.net)

## Sakima so sante

 Ursula Nafula

 Peris Wachuka

 Shameem Oozeerally & MIE French Students

